

IOK-HÂN Ê PHOE TĒ JĪ SU (63)

Choè tiúⁿ-ló ê phoe kià hō· siū keng-soán chun-kùi ê hū-jîn-lâng kap i ê kiáⁿ-jī, sī goá tī chin-lí só· thiàⁿ ê; koh m̄ nā goá, kìⁿ-nā bat chin-lí ê iā lóng sī án-ni; ²thiàⁿ lín sī ūi-tiòh chin-lí, chit ê chin-lí chiū-sī tiàm tī lán ê, iā beh éng-oán kap lán tī-teh. ³Un-tián, lín-bín, pêng-an, tui Pē Siōng-tè, iā tui Pē ê Kiáⁿ, Iā-so· Ki-tok, tī chin-lí kap thiàⁿ-thàng, beh kap lán tī-teh.

⁴Goá chin hoaⁿ-hí, in-ūi tù-tiòh lí ê kiáⁿ-jī ū tī chin-lí lâi kiáⁿ ê, chiàu lán tui Pē niá-siū ê bēng-lēng. ⁵Chun-kùi ê hū-jîn-lâng ah, taⁿ goá kiū lí, m̄ sī chhin-chhiūⁿ siá sin ê bēng-lēng hō· lí, sī lán tui khí-thâu só· ū ê, chiū-sī tãi-ke tiòh saⁿ-thiàⁿ. ⁶Lán chiàu I ê bēng-lēng lâi kiáⁿ, che chiū-sī thiàⁿ. Lín thàn i lâi kiáⁿ, chiàu lín tui khí-thâu só· thiaⁿ-kìⁿ ê, che chiū-sī hit ê bēng-lēng. ⁷In-ūi ū choē-choē bê-hék lāng ê chhut-lâi jip sè-kan, chiū-sī m̄ jīm Iā-so· Ki-tok tī jiók-thé lâi ê. Chit-ê chiū-sī hit ê bê-hék lāng ê, iā sī tui-ték Ki-tok ê. ⁸Lín tiòh kín-sīn ka-kī, bián-tit lín sit-lòh lán só· tiòh-boā ê, thang tit-tiòh moá-chiok ê pò-siúⁿ. ⁹Kìⁿ-nā chìn-chēng, iā bô tiàm tī Ki-tok ê kà-sī ê, bô ū Siōng-tè; tiàm tī hit ê kà-sī ê, chiū ū Pē kap Kiáⁿ. ¹⁰Nā ū lāng kàu lín hia, iā bô thoân chit ê kà-sī, chiū m̄ thang chiap-láp i jip chhù, iā m̄ thang ká i chhéng-an; ¹¹in-ūi ká i chhéng-an ê, ū hūn tī i ê pháiⁿ só· kiáⁿ.

¹²Goá ū choē-choē hāng beh siá hō· lín, m̄ ài

ēng choá kap bák; sī òng-bāng kàu lín hia, tng-bīn saⁿ-kap kóng, hō· lín ê hoaⁿ-hí chhiong-moá. ¹³Lí siū keng ê chí-bē ê kiáⁿ-jī lóng ká lí chhéng-an.